

تاریخ عثمانی انجمنی

۱ شباط
۱۳۳۱

پنجمی سنه
نومرو ۳۶

مجموعہ سی

مرعش والبستانده ذوالقدر [دولنادر] اوغلاری حکومتی

(۳۵ نجی نسنه دن مابعد)

سکه

اسبق ارضروم مبعوثی احمد ضیا افندیك تالیف کرده سی اولان مسکوکات اسلامیه تقویمك ۱۱۸ نجی صحیفه سنده علاءالدوله بكك وجهنده (لا اله الا الله محمد رسول الله) وظهرنده (المظفر علاءالدوله خلد الله سلطانه) یازیلی برکوش سکه سنك کندی قولکسیوننده موجود اولدیغی بیان ایدیور . بوسکهك تاریخ و محل ضربی اولماقلا برابر دولنادرلی بککری نه القاب حکومت صهره سنده ونه ده مقام دعاده (سلطان) تمیزی قوللانماش اولسنه باقیلنجه شو سکهك علاءالدوله بکه صورت عایدتی فن مسکوکات اربانجه شایان فحض وحل بر مسئله در .

یوقاروده شهسوار بك بختنده نامنه آلتون وکوش سکه کسدردیکی وآننجق الله ایديله مدیکی یازلمشدی . برده تاج التواریمك ۲۹۰ و ۲۹۱ نجی صحیفه ارنده مسطور وبالاده مذکور اولدینی اوزره سلطان قانصو غورینك یاوز سلطان سلیم خانه در میان ایلدیکی مطالبدن برسی ده دولنادر ولايتنده اسلوب سابق اوزره اسمك یا خطبه ده مذکور ویا سکه ده مسطور اولسی طلبندن عبارت ايسده شونبذه تاریخیه دن برروح حقیقت چیقاریله میور . زیرده مندرج علاءالدوله وقنامه سنده وظائف نقدیه جه مصرک اشرفی آلتونيله انچه عثمانی واحد قیاسی اعتبار اولنوب دولنادرلی مسکوکاتندن بحث بيله ایدلامشدر . اگرچه علاءالدوله كك کوش سکه سی اولش اولسه بدی آنك بالاولویه نظر بحث واعتباره آلنسی بك طبعی ایدی ، ديمك که یوقدر . مع هذا علاءالدوله [۱] لقیله ۴۱۴ تاریخنده همدانده

[۱] فوز ترکیه جویز دیمکدر .

بر امیر اجرای حکومت ایتش اولدینی کی كذلك احفاد تیموردن میرزا علاءالدوله دخی ۸۶۵ سنه سنده همدانده جالس تحت سلطنت اولمیشیدی . بوسکه نك شوابکی علاءالدوله دن برینه عاند اولسی احتمالی دها قوتلیدر .

سنجاق — بایراق

دولنادرلی بکلرینک — شمار رسمی اوله رق — قولاند قلی سنجاقلرک ، بایراقلرک لون و شکلی تاریخچه معلوم دکلهده مقام امارتده بولنان بکل عثمانلی ومصر حکومتلرندن قنغینک مظاهرتیله نائل امارت اولمش ایسه آنک سنجاقی زبور دوش افتخار ایلدیکی بعض دلائل تاریخچه دن مستدلدر . بکلرک مکمل مهترخانلری ، طبلخانلری وار ایدی .

عسکر — سلاح

دولنادرلیلرک موظف ومعلم عسکری یوغیدی . ایجابی جائده الی سلاح طوتانلرایک غیرتنه تبما بکلریله برابر سفره آشارلردی . هله فی الاصل کوچبلکدن کلش ومع هذا آره لرنده برچوق قوزر کوچر شیرتلر عادت قدیمه لرینی محافظه ایتش اولدیفندن دولنادرلیلر جندیلکده صاحب مهارت اوله رق دولنادرلی ایلی عادتاً برسواری اوجاغی ایدی .

بکلرک مهترخانلری ، طبلخانلری وار ایدی . دولنادرلی بکلکنک طوبی ، تفکی یوغیدی . اسلحه حربیه قیلیچ و قاتقان ویتاغان وقارغی کی آلات بسیطه قدیمه ایدی . علاءالدوله دورنده طبانجه و تفک کی آتشلی سلاحلرک وجودینه احتمال ویرله بیله بونلرده پک محدود وزیرت قیلندن محدود ایدی .

عاری

(مابعدی وار)